

192

20. okt.

X. KAFLI

Sektarákvæði o. fl.

31. gr.

Með brot gegn reglugerð þessari skal fara sem opinber lögreglumál, og greiði hinn seki 5—1000 kr. sekt fyrir afbrot sitt, er renni í sveitarsjóð.

Reglugerð þessi staðfestist hér með samkvæmt lögum nr. 85 22. nóvember 1907, til þess að öðlast gildi 1. nóvember 1939 og birtist til eftirbreytni öllum þeim, sem hlut eiga að máli.

Félagsmálaráðuneytið, 20. október 1939.

Stefán Jóh. Stefánsson.

Páll Pálmason.

193

20. okt.

REGLUGERÐ

um skipun slökkviliðs og brunamála í Hólmavíkarkauptúni.

I. KAFLI

Um skipun brunamálanefndar og verksvið hennar.

1. gr.

Yfirstjórn brunamála í Hróffbergshreppi skal falin þriggja manna nefnd, og eiga sæti í henni einn hreppsnefndarmaður, slökkviliðsstjóri og einn maður, er hreppsnefnd kýs til þriggja ára í senn.

2. gr.

Brunamálanefnd hefir á hendi stjórn brunamála í Hólmavíkarkauptúni, að svo miklu leyti, sem starfið ekki heinlínis heyrir undir slökkviliðsstjóra. Hún skal hafa eftirlit með því, að ákvæðum brunamálalaganna og reglugerðar þessarar sé í öllu framfylgt.

II. KAFLI

Hver slökkvitæki kaupúnið skuli eiga og viðhald þeirra.

3. gr.

Hólmavíkarkauptúni er skylt að eiga auk slökkvistöðvar að minnsta kosti þessi slökkvitæki og áhöld í nothæfu standi: Slökkvidælu, 150 metra strigaslöngu með tengslum og stútum, 50 vatnsfötur, brunalúðra og önnur nauðsynleg, smærri áhöld. Áhöldum þessum skal á kostnað hreppsjóðs vel við haldið, svo þau séu ávallt í nothæfu standi. Ef brunamálanefnd þykir ástæða til að fjölga eða fullkomna slökkvitækin, skal hún leggja það til við hreppsnefnd, að svo verði gert.

4. gr.

Slökkvitæki hreppsins skulu geymd í sérstöku húsi. Lykill að því skal vera í vörzlum slökkviliðsstjóra, varaslökkviliðsstjóra og svo margra úr slökkviliðinu, sem þurfa þykir.

5. gr.

Slökkviliðsstjóri hefir, undir umsjón brunamálanefndar, eftirlit með slökkvitækjum, ber ábyrgð á því, að þau séu fyrir hendi, og að þeim sé vel við haldið. Við

hver árslok sendir hann brunamálanefnd skrá yfir slökkvitæki þau, sem til eru og 193
skal jafnframt getið um hver slökkvitæki hafi verið keypt á árinu og hver hafi 20. okt.
gengið úr sér.

III. KAFLI Skipun slökkviliðs.

6. gr.

Allir karlmenn í kaптúninu, sem til þess eru álitnir færir, eru skyldir til þjónustu í slökkviliðinu, frá því þeir eru 20 ára til 60 ára, nema sjúkleiki hamli. Frá þessu ákvæði eru þó sóknarprestur, læknir og símastjóri undanskildir.

7. gr.

Í slökkviliði kaптúnsins skulu vera þessir menn: Slökkviliðsstjóri, vara-slökkviliðsstjóri, 16 liðsmenn og 2 brunaboðar. Við þessa tölu má bæta ef þörf krefur.

8. gr.

Slökkviliðsstjórinn, og í forföllum hans varaslökkviliðsstjórinn, er yfirmaður og stjórnari alls slökkviliðsins. Auglýsa skal árlega á ákveðnum stað, hver er slökkviliðsstjóri og hverjir séu honum næstir yfirmenn í slökkviliðinu. Slökkviliðsstjóri og varaslökkviliðsstjóri mega aldrei vera brottu úr kaптúninu báðir í senn, nema þeir hafi leyfi lögreglustjóra til fjarverunnar.

9. gr.

Hreppsnefnd skipar slökkviliðsstjóra og varaslökkviliðsstjóra til þriggja ára í senn, eftir tillögum brunamálanefndar, en brunamálanefnd ræður aðra starfsmenn slökkviliðsins eftir tillögum slökkviliðsstjóra.

Slökkviliðsstjóri getur sagt upp liðsmönnum slökkviliðsins án nokkurs fyrirvara, ef hann finnur ástæðu til, og ráðið aðra í þeirra stað til bráðabirgða, en allir liðsmenn í slökkviliðinu eru skyldir til að tilkynna slökkviliðsstjóra með viku fyrirvara, ef þeir af gildum ástæðum geta ekki gegnt starfi sínu í slökkviliðinu. Flokksstjórar skulu skyldir að tilkynna slökkviliðsstjóra, ef þeir fara hurt úr hreppnum daglangt og liggur sekt við, ef það er vanrækt.

10. gr.

Slökkviliðsstjóri og varaslökkviliðsstjóri hafa þóknun fyrir starfa sinn eftir ákvæðum sveitarstjórnar. Aðrir liðsmenn slökkviliðsins fá greiðslu fyrir hverja klukkustund, er þeir vinna í þjónustu þess, eftir gjaldskrá, er hreppsnefndin setur í janúar ár hvert. Þeir, sem skemma fót sín í þágu brunaliðsins við bruna, eiga rétt á því að fá skemmdirnar greiddar úr hreppsjóði, eftir mati.

11. gr.

Hreppsnefnd ákveður, eftir tillögum brunamálanefndar, hver einkenni slökkviliðið skuli héra, þegar það er að starfi sínu.

12. gr.

Slökkviliðsstjóri stjórnar æfingum slökkviliðsins og ber ábyrgð á því, að ávallt séu nógu margir í slökkviliðinu og það sé vel æft. Þegar eldsvoða ber að höndum, ákveður hann, hvernig slökkviliðinu skuli fyrir komið og allt hvað gera skuli til að slökkva eld og varna útbreiðslu. Þó má ekki rífa hús niður til varnar útbreiðslu eldsins nema með samþykki lögreglustjóra eða hreppstjóra. Ef slökkviliðsstjóri er forfallaður, gengur varaslökkviliðsstjóri í hans stað, og sé hann ekki viðstaddur,

193 þá hefir sá á hendi yfirstjórnina af liðsmönnum, er slökkviliðsstjóri hefir fyrir-
20. okt. fram ákveðið til þess.

13. gr.

Sérhver slökkviliðsmaður er, að viðlagðri sekt, skyldur til að mæta til æfinga og til að slökkva eld, þegar hann er til þess kvaddur, hvar sem hann er innan kaup-
túnsins, og hlýða í öllu því, sem yfirmaður hans skipar honum. Enginn má heldur, án leyfis yfirmanns, yfirgefa eldsvoða áður en slökkt er, eða slökkviliðsæfingar áður en þeim er lokið.

14. gr.

Lögreglustjóri er yfirmaður lögreglusveitar þeirrar, er viðhalda skal góðri reglu við eldsvoða. Auk þess eru í lögreglusveitinni menn, er lögreglustjóri ákveður til þess, og skal hún gæta þess að viðhalda góðri reglu við eldsvoða og sjá slökkviliðsmönnum fyrir greiðum gangi að eldinum og annast um, að enginn óviðkomandi gangi of nærri húsi því, er brennur, eða flytji þaðan neitt í burt.

15. gr.

Það er skylda hvers eins, sem er viðstaddur eldsvoða, hvort sem hann er í slökkviliðinu eða ekki, að láta í té alla þá aðstoð, sem hann getur, ef slökkviliðsstjóri krefst þess, og hlýða í öllu fyrirskipunum hans.

IV. KAFLI

Um vatnstöku.

16. gr.

Heimilt er að taka vatn til að slökkva eld, hvar sem slökkviliðsstjóri álitur hagkvæmast að ná því. Skytt er sérhverjum húseiganda, þar sem vatnsleiðsla er, að leyfa, að vatn sé tekið úr vatnshönum í húsi hans til að slökkva með eld, og má enginn leggja tálmanir í veg fyrir, að slökkviliðið hafi greiðan aðgang að vatnshönum í húsinu, á meðan verið er að slökkva eldinn.

V. KAFLI

Um skoðun eldfæra og reykháfa.

17. gr.

Brunamálanefnd skal á ári hverju láta skoða eldfæri og reykháfa í hverju húsi kaup-
túnsins og líta eftir, að reykháfar hafi verið tilhlýðilega vel hreinsaðir, svo og að aðgæta, hvort eldfim efni séu geymd svo sem vera ber, samkv. lögum um brunamál, nr. 85 28. nóv. 1907. Komi það í ljós við skoðun að einhverju sé ábótavant í þessu, skal nefndin gera þær ráðstafanir, er hún álitur fulltryggar, og skulu hlutaðeigendur bæta úr því, eins og þeim er lagt fyrir, eftir hæfilegan frest, ella kærðir fyrir lögreglustjóra.

VI. KAFLI

Ýmsar varúðarreglur til að fyrirbyggja eldsvoða.

18. gr.

Það er skylda hvers og eins, er verður eldsvoða var, að tilkynna það slökkviliðinu þegar í stað.

19. gr.

Á götum, milli húsa, í görðum eða annars staðar á almannafæri, má ekki setja opnar hlóðir til eldunar, nema með leyfi slökkviliðsstjóra, og ákveður hann þá, hvernig eldstæðið skuli útbúið, og hvernig varúðarreglna sé gætt.

20. gr.

Eldivið, steinkol, mó og timbur má ekki hafa fyrir utan hús nema með leyfi brunamálanefndar, og þá aðeins, að ekki stafi veruleg eldhætta af því. Birgðir af steinolíu, benzíni og öðrum eldfimum vökvum, skulu geymdar í húsum inni eða mannheldum girðingum á þeim stað, er hreppsnefnd samþykkir. Um undanþágu frá þessu fer eftir lögum um brunamál.

21. gr.

Þar, sem geymdar eru birgðir af eldfimum vökvum í smíðahúsum og verkstæðum setur brunamálanefnd, í samráði við hreppsnefnd, þær varúðarreglur um meðferð elds, er hún telur fulltryggar.

22. gr.

Bannað er að halda opinberar jólatrésskemmtanir, nema leyfi lögreglustjóra komi til. Ekki má halda þær í öðrum húsum en þeim, sem teljast vel útbúin til þess, meðal annars um útbúnaði dýra og annara skilyrða til útgöngu.

VII. KAFLI

Um slökkviliðið.

23. gr.

Slökkviliði kaupsins skal skipt þannig:

| | |
|-----------------------------|--------|
| 1. Björgunarflokkur | 2 menn |
| 2. Húsrifsflokkur | 2 — |
| 3. Vatnsslönguflokkur | 4 — |
| 4. Vatnsdæluflokkur | 6 — |
| 5. Stigaflokkur | 2 — |
| 6. Brunaboðar | 2 — |

Slökkviliðsstjóri skipar flokksstjóra fyrir ofangreinda flokka. Björgunarflokknunum er skylt að mæta, þá er bruna þer að höndum, á brunastaðnum, svo fljótt sem unnt er. Fyrsta verk hans skal vera að bjarga fólki, þá lifandi skepnum og síðan öllum dauðum munum, hverju nafni sem nefnast, undantekningarlaust. Öllu, sem bjargað er, skal koma á öruggan stað, og fara svo vel með, sem unnt er.

Húsrifsflokkur skal rífa það er þurfa þykir, eftir skipun slökkviliðsstjóra. Skulu þeir ávallt hafa með sér hin ákveðnu verkfæri á brunastaðinn.

Vatnsslönguflokkur skal koma svo slöngum fyrir, að sem þægilegast sé að slökkva eldinn.

Vatnsdæluflokkur skal mæta við slökkvistöðina, flytja dælur þangað, sem slökkviliðsstjóri skipar fyrir og knýja hana ásamt mönnum úr skylduliðinu.

Stigaflokkur skal sjá um að hafa stiga eftir þörfum, sjá um að þeir séu tryggilega útbúinir, og reisa þá upp, þar sem þeim er fyrirskipað. Ennfremur skal hann aðstoða björgunarflokkinn eftir fyrirskipun slökkviliðsstjóra.

Brunaboðar skulu, þá er eldsvoða verður vart, gera slökkviliðinu aðvart með því að þeyta brunalúður. Sé það að næturlagi, skal annar fara með lúðurinn að húsi hvers liðsmanns og blása í hann þar, þar til hann verður þess var, að fólk í húsinu hefir orðið hans vart. Ekki mega þeir tala við nokkurn mann, nema segja frá hvar eldurinn er. Skulu þeir að loknum útblæstri mæta á brunastaðnum. Loks skulu þeir skyldir til að tilkynna slökkviefingar, eftir fyrirskipun slökkviliðsstjóra.

Ofangreindir liðsmenn eru skyldir til að hlýða slökkviliðsstjóranum í starfi sínu.

193

20. okt.

Allir liðsmenn skulu, er þeir eru að verki, forðast allan óþarfa hávaða og tal, gera sér sérstaklega far um að taka öllu með gætni og stillingu og vera fljótir og liðugir að framkvæma skipanir yfirmanna sinna.

24. gr.

25. gr.

Allir liðsmenn skulu, ef þeir verða varir við, að óvarlega er farið með eld, eða á annan hátt brotið á móti brunamálareglugerð þessari, vanda um við þá, er gera sig seka í því, og, ef þeir hlýða ekki aðvörun þeirra, gera slökkviliðsstjóra aðvart svo fljótt, sem unnt er.

Engin forföll liðsmanna eru tekin gild, nema veikindi eða fjarvera úr kaup-túninu.

VIII. KAFLI Sektarákvæði.

26. gr.

Með brot gegn reglugerð þessari skal fara sem opinber lögreglumál, og greiði hinn seki 5—1000 kr. sekt, er renni í sveitarsjóð Hrófbergshrepps.

Reglugerð þessi, sem hreppsnefnd Hrófbergshrepps hefir samið og samþykkt, staðfestist hér með samkvæmt lögum nr. 85 22. nóv. 1907, til þess að öðlast gildi 1. nóvember 1939, og birtist til eftirbreytni öllum þeim, sem hlut eiga að máli.

Félagsmálaráðuneytið, 20. október 1939.

Stefán Jóh. Stefánsson.

Páll Pálmason.

194

23. okt.

REGLUGERÐ

um breyting á reglugerð 9. september 1939, um sölu og úthlutun
á nokkrum matvörutegundum.

1. gr.

Tvær fyrstu málsg. 12. gr. reglugerðarinnar hljóði svo:

Eigi má selja út á seðil eftir að mánuður sá, er seðillinn er fyrir, er á enda.

Hinn 1. dag hvers mánaðar skulu smásöluverzlanir (og brauðgerðarhús) afhenda hreppsnefndum og bæjarstjórnnum þá skömmtunarseðla, er þeir hafa fengið fyrir seldar skömmtunarvörur í næsta mánuði á undan, og fá í staðinn vottorð um það hve miklu þær hafa skilað.

2. gr.

Reglugerð þessi öðlast þegar gildi.

Reglugerð þessi er sett samkvæmt heimild í lögum nr. 37 12. júní 1939, og birtist hér með þeim, sem hlut eiga að máli.

Í ríkisstjórn Íslands, 23. október 1939.

**Eysteinn Jónsson. Ólafur Thors. Stefán Jóh. Stefánsson,
Jakob Möller. Hermann Jónasson.**